



AMARKA AGAASIMAHA

Quseeysa: Wax kabadelka Amarka Xiritaanka Dhamaan Dugsiyadda K-12 ee Gobolka Ohio

Aniga oo ah, Amy Acton, MD, MPH, Agaasimaha Waaxda Caafimaadka ee Ohio (ODH), iyada oo la raacayo awoodda la i siiyay R.C. 3701.13 si aan "u soo jeediyo amarro gaar ah... ka hortagaya faafitaanka cudurada la is qaabsiin karo ama faafa" **Amrayaa** waxyaabahan soo socda si looga hortago ku faafidda caabuqa COVID-19 Gobolka Ohio:

1. Dhamaan dhismayaasha dugsiyadda bixiya fasalada xanaanada ilaa iyo fasalka 12 aad ee wax barashada Gobolka Ohio waa inay ahaadaan kuwa ka xiran ardayda ilaa 11:59 p.m. bisha Maajo 1, 2020.
2. Ujeedada caddeynta darteed, xiritaankan kuma jiraan maamulayaasha, macallimiinta, shaqaalaha, iibiyaasha ama qandaraasleyaasha dugsi. Maamulka dugsi walba waa inuu go'aamiyaa heerka ku habboon ee marin u helka dugsi inta lagu jiro xiritaanka, iyagooisla markaasna kor u qaadaya dhaqamada caafimaadka sida gacmo-dhaqidda, jeermis ka dilista dusha sare, iyo dhiirrigelinta kala fogaanshaha bulshada. Fursadaha ku shaqaynta onlayn waa in la isku dayaa lana dhiirrigaliyaa markasta oo ay suurtagal tahay.
3. Amarkani ma quseeyo iyo/ama wuxuu meesha ka saarayaa adeegyada ama munaasabadaha ka dhacaya dugsi sida codbixinta, adeegyada cuntada, guriyeynta ardayda dugsi loo hoydo, adeegyada caafimaadka, shaqada deeq aruurinta ama nashaadaad kasta oo ay ogolaatay waaxda caafimaadka deegaanka.
4. Amarkani wuxuu sii ahaanayaa mid u dhaqan gala si buuxda ilaa Gobolka uu ka baxayo Xaaladda Degdegta ah uu ee ku dhawaaqay Guddoomiyaha Gobolka, ama Agaasimaha Waaxda Caafimaadka ee Ohio uu laalayo ama wax ka beddelayo Amarkan.
5. Illaa iyo xadka sarkaal kasta oo dawladeed oo fulinaya Amarkan uu qabo su'aalo la xiriira adeegyada laga mamnuucay Amarkan, Agaasimaha Caafimaadka wuxuu halkan ku siinayaa waaxyaha caafimaadka deegaanka awooda ay kaga jawaabaan su'aalaha qoraal ahaan oo waafaqsan Amarkan.

COVID-19 oo ah cudur neef-mareenka ku dhaca kaasoo sababi kara cudur halis ah ama geeri, waxaa sababa fayraska SARS-CoV-2, kaasoo ah nooc cusub oo coronavirus ah oo aan horay loogu aqoon bini-aadamka oo si fudud qofba qof kale u qaabsiin karo. Fayrasku wuxuu ku faafayaa shakhsiyadka isku soo dhawaada (in ka yar qiyaastii lix-fuudh) isagoo soo raacaya dhibcaha neefsashada kasoo baxa marka qof cudurka qaba uu qufaco ama hindhiso. Waa suurtagal in shaqsiyaadku ay ku qaadi karaan COVID-19 ayagoo taabanaya dusha ama shay qaba fayraska ka dibna taabtaan afkooda, sankooda ama indhahooda.

Bishii Janaayo 23, 2020, Waaxda Caafimaadka ee Ohio waxay soo saartay diwaan-gelinta Dhacda maalmeedka Agaasimaha kaasoo ka dhigaya caabuuq COVID-19 cudur laga soo tebin karo gobolka Ohio oo kujira heerka A.

Bishii Janaayo 28, 2020, Waaxda Caafimaadka ee Ohio waxay martigelisay wicitaankii ugu horreeyay ee gobolka oo dhan iyadoo ay la xiriireen waaxyaha caafimaadka deegaanka iyo bixiyeyaasha daryeelka caafimaadka ee la xiriira COVID-19.

Bishii Janaayo 30, 2020, Guddiga xaalada Degdegga ah ee Xeerarka Caafimaadka Caalamiga ah ee Ururka Caafimaadka Adduunka ayaa ku dhawaaqeen dillaaca cudurka COVID-19 uu yahay xaalad caafimaad oo guud oo degdeg ah oo walaac caalami ah laga qabo.

Bishii Janaayo 31, 2020, Xoghayaha Caafimaadka iyo Adeegyada Aadanaha, Alex M. Azar II, wuxuu ku dhawaaqay xaalad degdeg ah oo caafimaad oo Mareykanka ah si uu uga caawiyo waddanka daryeelka caafimaadka bulshada sidii looga jawaabi lahaa caabuqa COVID-19.

Bishii Febraayo 1, 2020, Waaxda Caafimaadka ee Ohio waxay soo saartay Shabakad Feejignaan Caafimaad oo heer gobol ahsi ay u siiso waaxaha caafimaadka deegaanka iyo bixiyeyaasha daryeelka caafimaadka hagitaano cusub oo ku saabsan COVID-19 iyo shuruudaha Shaqsiyaadka Baadhitaanku ku Socdo (PUI) oo dib loo eegay.

Bishii Febraayo 3, 2020, Waaxda Caafimaadka ee Ohio waxay tababartay in kabadan 140 shaqaale si ay ugu shaqeeyaan xarun wicitaan loogu talagalay caabuqa COVID-19, inta lagu jiro xilliga loo baahan yahay.

Bishii Febraayo 5, 2020, Waaxda Caafimaadka ee Ohio waxay bilaabeen cusboonaysiinta iyo ogeysiinta warbaahinta tirada PUI-yada Ohio maalin kasta oo Talaado iyo Khamiis ah.

Bishii Febraayo 6, 2020, Waaxda Caafimaadka ee Ohio ayaa cusboonaysiisay dhammaan kaaliyayaasha agaasimeyaasha iyo madaxda shaqaalaha ee hay'adda ee u diyaargarowga caabuqa COVID-19 iyo maqaamka inta lagu jiro kulanka golaha Badhasaabka.

Bishii Febraayo 7, 2020, Waaxda Caafimaadka ee Ohio iyo Hay'adda Maareynta Xaalada Degdegga ah ee Ohio ayaa kulmay si ay u sameeyaan qorsheyn hore oo loogu talagalay caabuqa COVID-19.

Bishii Febraayo 13, 2020, Waaxda Caafimaadka ee Ohio waxay ku qabatay Layliga Miiska ee Baahista Cudurka si hay'adaha Gobolka ay dib ugu eegaan ficillada jawaabahooda haddii ay ka dhacdo baahid cudurka ah Ohio.

Bishii Febraayo 14, 2020, Waaxda Caafimaadka ee Ohio waxay qabatey shir wicitaan oo ay la yeesheen khubaro caafimaad oo ku baahsan gobolka. Ujeeddada wicitaanku waxay ahayd in lagu wargaliyo lana hawlgeliyo bulshada daryeelka caafimaadka ee Ohio. Bandhigyo ayay bixiyeen Waaxda Caafimaadka, Hamilton County Public Health, iyo Jaamacadda Ohio State.

Bishii Febraayo 27, 2020, Waaxda Caafimaadka ee Ohio iyo Hay'adda Maareynta Xaalada Degdegga ah ee Ohio waxay warbixin ka dhagaysteen agaasimayaasha hay'adaha Gobolka inta lagu gudajiray kulanka golaha Badhasaabka ee ku saabsan u diyaarsanaanta iyo kartida suurtagalinta Xarun Hawlgallo ee Xaaladda Degdegga ah.

Bishii Febraayo 28, 2020, "Wixii soo Kordhay ee Badhasaab DeWine, Agaasimaha Caafimaadka ee Qorshaha Ka Hortagga iyo Diyaargarowga caabuqa COVID-19" ayaa loo diray tiro badan oo ururo ah oo matalaya daryeelka caafimaadka, ilkaha, daryeelka muddada-dheer, dugsiyada K-12, kulliyadaha iyo jaamacadaha, ganacsatada, gaadiidka dadweynaha, ururada caqiidada ku saleysan, ururada samafalka, iyo dawladaha hoose.

Markay ahayd Maarso 2, 2020, Waaxda Caafimaadka ee Ohio ayaa samaysay Xarun Macluumaad Wadajir ah si ay iskuduwaan isgaarsiinta caabuqa COVID-19.

Markay ahayd Maarso 5, 2020, Waaxda Caafimaadka ee Ohio waxay martigelisay Shirweynaha Badhasaabka ee ku saabsan Diyaargarowga caabuqa COVID-19, kulan uu la qaatay Badhasaabka Gobolka, agaasimeyaasha hay'adaha golaha, guddiyada waaxyaha caafimaadka deegaanka, iyo shaqaalahooda.

Markay ahayd Maarso 6, 2020, Waaxda Caafimaadka ee Ohio waxay furtay xarun wicitaan oo looga jawaabo su'aalaha dadweynaha ay ka qabaan caabuqa COVID-19.

Markay ahayd Maarso 9, 2020, tijaabin ay sameysay Waaxda Caafimaadka ayaa xaqiijisay in seddex (3) bukaan ay ka heleen cudurka COVID-19 Gobolka Ohio. Tani waxay xaqiijineysaa jiritaanka xaalad khatar ah oo saameyn karta caafimaadka, badbaadada iyo daryeelka muwaadiniinta Ohio.

Markay ahayd Maarso 9, 2020, Wakaalada Maareynta Xaaladaha Degdegga ah ee Ohio waxay hawlgalisay Xarunta Hawlgallada Xaaladda Degdegga ah.

Bishii Maarso 9, 2020, Badhasaabku wuxuu ku Dhawaaqay Xaalad Degdeg ah ee Amarka Fulinta 2020-01D.

Markay ahayd Maarso 11, 2020, Madaxa Ururka Caafimaadka Adduunka wuxuu ku dhawaaqay in caabuqa COVID-19 yahay mid adduunka ku baahay.

Markay ahayd Maarso 11, 2020, baaritaan ay sameysay Waaxda Caafimaadka ee Ohio waxay xaqiijisay in hal (1) bukaan oo dheeri ah uu ku dhacay cudurka COVID-19 Gobolka Ohio.

Markay ahayd Maarso 11, 2020, Waaxyaha Caafimaadka iyo Adeegga Ciidamada Hawlgabka ah ayaa soo saaray Amarka Agaasimayaasha Wadajirka ah ee lagu xadidayo galitaanka guryaha xannaanaynta lagu bixiyo iyo xarumaha la midka ah ee Ohio.

Markay ahayd Maarso 12, 2020 Waaxda Caafimaadka ee Ohio waxay soo saartay Amarkii Agaasimaha oo mamnuucayay isu imaatinka ballaaran ee Gobolka Ohio.

Markay ahayd Maarso 12, 2020, baaritaan ay sameysay Waaxda Caafimaadka ee Ohio waxay xaqiijisay in hal (1) bukaan oo dheeri ah uu ku dhacay cudurka COVID-19 Gobolka Ohio.

Markay ahayd Maarso 15, 2020, Waaxda Caafimaadka ee Ohio waxay soo saartay Amarkii Agaasimaha si loo xaddido marin u helidda jeelalka iyo xarumaha xirida Ohio.

Markay ahayd Maarso 15, 2020, Waaxda Caafimaadka ee Ohio waxay soo saartay Amarkii Agaasimaha oo lagu xaddidayay iibinta cuntada iyo cabbitaannada, aalkolada, biirka iyo waaynka in la fuliyo oo la qaato oo kaliya.

Markay ahayd Maarso 15, 2020, CDC waxay soo saartay Hagidda Kumeel Gaarka ah ee kulamada dadka badan ama munaasabadaha waaweyn ee bulshada, iyadoo sheegaya in munaasabadaha noocaas ah oo ka kooban 50 ama in ka badan oo dad ah la baajiyo ama dib loo dhigo.

Markay ahayd Maarso 16, 2020 Waaxda Caafimaadka ee Ohio waxay soo saartay Amarkii Agaasimaha ee xiritaanka goobaha codbixinta doorashada koowaad ee Maarso 17, 2020.

Markay ahayd Maarso 17, 2020 Waaxda Caafimaadka ee Ohio waxay soo saartay Amarkii Agaasimaha ee ku saabsan maareynta qalliinka iyo adeegyada aan muhiimka ahayn ee ku baahsan Ohio oo dhan.

Markay ahayd Maarso 17, 2020 Waaxda Caafimaadka ee Ohio waxay soo saartay Amarkii Agaasimaha si loo xadido iyo/ama loogu mamnuuco isu imaatinka ballaaran iyo xiritaanka goobaha lagu caweeyo ee Gobolka Ohio.

Markay ahayd Maarso 19, 2020, Waaxda Caafimaadka ee Ohio waxay soo saartay Amarkii Agaasimaha oo lagu xidhiyo saluunada timaha, saluunada ciddiyaha, goobaha tima jarista, goobaha lagu sameeyo shaabadaha, goobaha jirka lagu dalooliyo iyo goobaha duugista jirka.

Markay ahayd Maarso 21, 2020, Waaxda Caafimaadka ee Ohio waxay soo saartay Amarkii Agaasimaha oo xiraya adeegyada daryeelka dadka waayeelka ah ee maalintii iyo xarumaha waayeelka.

Markay ahayd Maarso 21, 2020, Waaxda Caafimaadka ee Ohio waxay soo saartay Amarkii Agaasimaha ee xiritaanka xarumaha madadaalada qoyska iyo tukaamada internetka.

Markay ahayd Maarso 22, 2020, Waaxda Caafimaadka ee Ohio waxay soo saartay Amarkii Agaasimaha oo ahaa in dadka oo dhami ay joogaan guriga haddii aysan ka qaybgalayn shaqo ama nashaad muhiim ah.

Meelo badan oo ka mid ah Mareykanka waxaa ka jira “faafinta bulshada” ee fayraska sababa COVID-19. Faafinta bulshada, waxaa lagu qeexay gudbinta cudur aan la ogeyn halka uu ka bilawday, waxay ka dhigan tahay go'doomin meelo lagu yaqaano cudurka kuma filna in lagu xakameeyo faafitaanka.

Hay'adda CDC waxay sheegtay in dadku ay aad u gudbinayaan markay ugu badan yihiin astaamaha (kan ugu xanuunsan) si kastaba ha noqotee faafitaanka qaar ayaa suurtoagal ah ka hor inta aysan dadku muujin astaamaha inkasta oo aysan taasi ahayn habka ugu weyn ee fayrasku u faafo.

Isu imaatinka balaaran (10 qof ama kabadan) waxay kordhisaa halista faafinta bulshada ee fayraska COVID-19.

Sidaas awgeed, si looga fogaado halis suurtagalka ah ee fiditaan baahsan ee ka iman karta COVID-19 oo leh halis weyn oo waxyeello weyn u geysaneysa tiro badan oo dadka ka mid ah guud ahaan, oo ay ku jiraan waayeeellada iyo dadka leh nidaamyada difaaca jir oo daciifa iyo xaalado caafimaad oo raagay, waxaan halkan ku **AMARAYAA** in dhammaan dhismayaasha dugsiga ee bixiya waxbarashada xannaanada illaa fasalka 12-aad ee Gobolka Ohio ay ka xirnaadaan ardayda illaa 11:59 p.m. bisha Maajo 1, 2020. Ujeedada caddeynta darteed, xiritaankan kuma jiraan maamulayaasha, macallimiinta, shaqaalaha, iibiyaasha ama qandaraasleyaasha dugsiga. Maamulka dugsiga walba waa inuu go'aamiyaa heerka ku habboon ee marin u helka dugsiga inta lagu jiro xiritaanka, iyadoo isla markaasna kor u qaadaya dhaqamada caafimaadka sida gacmo-dhaqidda, jeermiska a dilidda dusha sare, iyo dhiirrigelinta kala fogaanshaha bulshada. Fursadaha ku shaqaynta onlayn waa in la isku dayaa lana dhiirrigaliyaa markasta oo ay suurta gal tahay. Amarkani ma quseeyo iyo/ama wuxuu meesha ka saarayaa adeegyada ama munaasabadaha ka dhacaya dugsiga sida codbixinta, adeegyada cuntada, guriyeynta ardayda dugsiga loo hoydo, adeegyada caafimaadka, shaqada deeq aruurinta ama nashaadaad kasta oo ay ogolaatay waaxda caafimaadka deegaanka. Amarkani wuxuu sii ahaanayaa mid u dhaqan gala si buuxda illaa Gobolka uu ka baxayo Xaaladda Degdegta ah uu ee ku dhawaaqay Guddoomiyaha Gobolka, ama Agaasimaha Waaxda Caafimaadka ee Ohio uu laalayo ama wax ka beddelayo Amarkan. Illaa iyo xadka sarkaal kasta oo dawladeed oo fulinaya Amarkan uu qabo su'aalo la xiriiira adeegyada laga mamnuucay Amarkan, Agaasimaha Caafimaadka wuxuu halkan ku siinayaa waaxyaha caafimaadka deegaanka awooda ay kaga jawaabaan su'aalaha qoraal ahaan oo waafaqsan Amarkan.

Maarso 30, 2020

Amy Acton, MD, MPH
Agaasimaha Caafimaadka